



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Baptismus.

urn:nbn:de:hbz:466:1-41753

res, censentur esse in periculo mortis, ita ut possint à censuris, & reseruatis absolui: sed ille tantum quæ numquam pepererunt, vel quæ difficiles & periculosos partus habere solent. Sanchez & alij 12. p. 3. tr. 4. res. 72. Sed de quibusuis, saltem in ipso partu, id docet Hurtad. & alij 2. p. 3. tr. 4. res. 72. & p. 5. tr. 3. res. 63.

B.

BAPTISMVS.

1 **I**lla quantitas aquæ sufficiens est ad Baptismum, quæ potest contingere corpus, & successiuè fluere per aliquam eius partem. Vasq. & alij 3. Illa autem aqua esse potest ex sale, niue, aut gelu liquefactis; est enim essentialiter aqua. Idem dicendum de aquâ quæ ex ollâ euaporatur & hæret in tegumento, & quæ hyeme ex lapidibus, & parietibus manat. Ille tamen humor qui ex vite, aut arbore fluit, non videtur esse aqua, quamquam in casu necessitatis, ad baptismum adhiberi potest. Henrig. & alij. p. 3. tr. 4. res. 5.

2 Moribundo infanti Baptismus impendi debet etiam in materiâ dubiâ, ut
iure

in are carniū , lixiuio, &c. Granad. & alij 10. Imò & cum aquâ rosaceâ , vel succo ex herbis, & frondibus expressio. Tanner & alij 5. sed non est à communi sententiâ contrariâ recedendum. Eodem modo tunc baptizari potest in minimâ parte, vel etiam capillis, aut secundinis Præpos. & alij & vnicâ guttâ aquæ. Hurtad. & alij. Sed in omnibus his casibus baptismus postea sub conditione est iterandus. *part. 5. tr. 3. ref. 1. 2. 3. 4. 5. & 11 & p. 6. tr. 7. ref. 18.*

3 Si Sacerdos ita baptizet, *Ego te baptizo nomine Patris, Filij, & Spiritus sancti*, omittens particulam *(In)* cum *(&)* verè conficit Sacramentum; quia illa omissio non est substantialis: excusarem etiam illum à peccato mortali. Coninck & alij 5. Item si Sacerdos addat formulæ baptismi, *in nomine B. Virginis*, nihilominus verè confert Baptismum, dum modo per illa verba non intendat baptizare in nomine Virginis, sicut in nomine Patris, sed tantum velit opem B. Virginis implorare. Suarez & alij 8. *p. 2. tr. 15. ref. 47 & 48.*

4 Si Sacerdos post ablutionem infantis statim pronuntiet formam baptismi, vel finitâ prolatione verborum statim

tim abluat, est validus baptismus, neque repetendus: quia tunc materia & forma censentur moraliter concurrere, & esse simul. Henriq. & alij 2. Et quamuis infans moreretur ante finitam ablutio- nem, esset tamen verè baptizatus. Hur- tad. & alij 6. p. 3. tr. 4. resol. 6. & p. 5. tr. 3. resol. 17.

5 Mutus, & manibus truncus non possunt simul baptizare infantē in articulo mortis, ita ut ille abluat, & hic verba proferat: quia eiusdem Sacramenti vnus esse debet minister. p. 3. tr. 4. ref. 11. quamuis nonnulli putent in necessitate posse sic baptizare sub condi- tione. Chapeauil. & alij 3. imò & abso- lutè id fieri posse docet Marsil. & alij 2. p. 5. tr. 3. ref. 26. & tr. 6. ref. 2.

6 In naufragio vel simili casu posset quis plures simul baptizare ob pericu- lum mortis. D. Thom. & alij. *ib.* ref. 27.

7 Peruersa intentio ministri confe- rentis Baptismum, aut aliud Sacramen- tū, non suppletur à Deo quoad gratiā. Suarez & alij 6. Quidam tamen contra- rium affirmant. Syluest. & alij 6. part. 3. tr. 4. ref. 17.

8 Sacerdos in peccato mortali bap- tizans in casu necessitatis sine solemni- tate,

tate, non peccat : quia non agit vt minister ex officio, sed perinde ac laicus, necessitati infantis subueniens. Suarez & alij 7. *ibid. res. 10. & p. 5. tr. 3. res. 24.*

9 Si in casu necessitatis laicus baptizet præsente Sacerdote, peccat mortaliter: si præsente tantùm Diacono, vel vno ex inferioribus, peccat venialiter. Suar. & alij 5. quamuis etiam præsente Sacerdote baptizantē non peccare nisi venialiter, doceant Valent. & Io. Suar. Quamuis autem Sacerdos esset excommunicatus, præferendus est laico. Cornejo. Laicus verò extra casum necessitatis baptizans peccat mortaliter, non tamen sit irregularis. Nugnus & Pitigian. In necessitate verò, & absentia Sacerdotis posset sine commissione Diaconus solenniter baptizare. Suar. Monachi autem etiam extra casum necessitatis baptizantes non peccant mortaliter, & aliquando nec venialiter. Granad. *p. 3. tr. 4. res. 4. p. 5. tr. 3. res. 18. & 28. & tr. 9. res. 87. & tr. 13. res. 58.*

10 Obstetrices non tenentur ex officio scire necessaria ad Baptismum, ne vernaculâ quidem linguâ: nullum enim est ea de re præceptum Ecclesiasticum, nec naturale; quippe obstetrix ex vi sui
munc-

muneris tenetur tantum cooperari
natiuitati corporali infantis; licet con-
trarium sit pium, & consulendum.
Suarez. *p. 2. tr. 15. ref. 46.*

11 Infantem aliàs sine Baptismo mo-
riturum teneri tecum vitæ tuæ periculo
baptizare, affirmat Granad. & alij 3. ne-
gat Sancius & alij 3. *p. 5. tr. 3. ref. 16.*

12 Infantem in vtero matris, si aliquam
sui parte aquam tingi potest, baptizare
licet, etiam si natiuitas propriè dicta
non præcedat, quia de non homine
factus est capax ablutionis, & debitæ
formæ verborum, quæ sunt essentialia
Baptismi Suarez & alij 7. *p. 2. tr. 15. ref.*
43. & p. 5. tr. 3. ref. 12.

13 Mulier ad mortem damnata, si sit
periculum, ne ex aliquo morbo ante
partum, vnâ cum prole moriatur, po-
test seruato iuris ordine prius secari, si
spes sit fore vt foetus possit baptizari:
nihil enim sit contra ius. Suarez & alij
4. p. 2. tr. 15. ref. 44. & p. 5. tr. 3. ref. 13.

14 Quâuis baptizari numquam possit
infans eo modo quo simul occidatur,
vt si in puteum proiiceretur; quia illa
esset directa occisio: potest tamen ba-
ptizari quamuis mors eius affusione
aquæ multum acceleraretur. Granad.

&

& alij 3. part 5. tract. 3. ref. 8 & 14.

15 Baptizatis priuatim in necessitate postea adhibendę sunt cæremonię, etiam exorcismus. Laym. etsi qui id omittet sine contemptu, non peccaret mortaliter. Posseuin p. 5. tr. ref. 6.

16 Infantes sunt quamprimum baptizandi quando commodę possunt ad Ecclesiam deferri, quod est octauo die, vel etiam decimo, aut duodecimo, vbi patrinus est expectandus. Sotus. p. 7. tr. 4. ref. 8.

17 Baptizari possunt filij infidelium seruorum, etiam antequam vendantur, existentes sub cura parentum; ipsis etiam inuitis: sunt enim indigni illo iure naturali, ratione abusus. Vasquez. & alij 1. p. 2. tr. 15. ref. 45. Imò domini sub peccato mortali tenentur ratione caritatis, in tali casu illos baptizare. Vasq. Tur. p. 3. tr. 4. ref. 1. sed contrarium postea docet, scilicet id non licere nisi in periculo mortis. p. 5. tr. 3. ref. 10.

18 Baptizari possunt filij hæreticorum, etiam si sub curâ parentum probabiliter timeatur periculū subuersionis ipsorum: fieri enim potest vt moriantur ante vsum rationis, aut vt aliquando Catholicę fidei dogmatis imbuantur,

buantur, aut vt ignorantia inuincibili excusentur, atque ita per Baptismum saluentur. Layman. p. 3. tr. 4. ref. 7.

19 Quando tenellus & paucorum dierum infans expositus inuenitur, est sub conditione baptizandus, nisi habeat schedam baptismi testem. Si verò infans ex colore, & ætate videretur natus ante mensem, nec vllam haberet schedam Baptismi testem, esset etiam sub conditione baptizandus; Villalob. imò etiam, cum illâ schedâ infans expositus inter infideles, sub conditione baptizandus est, ne salutis æternæ periculum adeat. Vasq. in *Addit. 3. part. ref. 6. & p. 5. tr. 13. resol. 85.*

20 Puer inter Christianos natus, postea à Turcis captus, & inter eos educatus, si factus grandior ad Christianos redeat, sitque de suscepto baptismo dubius, est sub conditione baptizandus: nã licet eâ ætate credatur captus, in quâ debuerit esse baptizatus; tamẽ hoc non constat nisi ex testibus infidelibus, qui hoc dicere potuerunt, vt hic puer postea à Christianis captus non baptizaretur; neque hi testes sunt fide digni, etiamsi asseuerarent illum esse baptizatum. Sancius & alij. in *Addit. 3. p. ref. 10.*

21 Impendendus est Baptismus moribundo quando vnicus testis etiam infidelis affirmat eum petiisse baptismum. Reginald. & alij 2. Imò quamuis testis ille dubitaret, baptizandus esset sub conditione. Henriq. & Sancius. p. 5. tr. 3. ref. 21. & 22.

22 Baptismus collatus dormienti qui illum petierat ante somnum, est validus. In cap. maiores, de baptismo. Idem dicendum de amente, & furioso, qui dum haberet lucida intervalla baptismum petiit, etsi postea dum baptizatur, videatur resistere. Barbosa & Sylvius p. 3. tr. 4. ref. 12. & p. 5. tr. 3. ref. 23.

23 Surdus & mutus qui videns alios baptizari peteret etiam Baptismus, si deprehēderetur sufficienter instructus, posset baptizari, sed si facile posset adiri Episcopus, eius iudicium esset adhibendum. p. 5. tr. 6. ref. 1.

24 Attritio cognita est sufficiens dispositio in adultis ad baptismum. Villalob. & alij 5. p. 3. tr. 4. ref. 13.

25 Cùm quis animo ficto accedit ad baptismum: fictio non remittitur per baptismum, sed per pœnitentiam in ordine ad claves, atque adeò necessariò est in confessione explicanda. Omnia

nia

nia autem peccata ante baptismum commissa, vel in ipsâ baptismi susceptione, recedente fictione delentur per baptismum, etiamsi fictè baptizatus nullam prorsus attritionem habuisset in ipso Baptismo, ac proinde non sunt, recedente fictione, in confessione explicanda. Denique peccata post baptismum commissa, recedente fictione remittuntur per pœnitentiam in ordine ad claves Ecclesiæ; ideoque quamdiu in confessione non aperiuntur, requiritur contritio ad tollendam fictionem, & effectum baptismi consequendum. Villalob. & alij 4 *ibid. ref. 14.*

26 In priuato baptismo nihil est necesse adhibere patrinum. Suar. & alij 4. Quo casu si quis teneat infantem etiã ex proposito vt patrinus munus obeat, probabile est nullam tamen contrahere spiritalem cognationem. Sanchez & alij. Neque improbãnda est consuetudo, qua Catholici quibusdam in locis, patrinus sunt filiis hæreticorum, baptizante illos ministro hæretico. Layman. *ibid. ref. 18. & p. 5. tr. 3. ref. 7.*

27 Quando infans fuit domi baptizatus, si postea deferatur ad Ecclesiam vt cæremoniæ peragantur, qui instar patri-

pat
co
Po
28
no
tio
ter
est
tur
Sa
29
ful
est
co
qu
ris
ch
30
fili
tar
&
co
per
hit
tr
31
inc
no
&

patrini tenet infantem, nullam cum eo contrahit cognationem spiritalem. Pontius & alij 3 p. 3. tr. 4. ref. 260.

28 Qui tenet infantem in Baptismo, nomine alterius, non contrahit cognationem spiritalem; quia alieno nomine tenet. Sanchez & alij 4. Imò probabile est neque ipsum principalem qui legatum misit, cognationem contrahere. Sanchez & alij 3 *ibid.* ref. 2.

29 Si quis per errorem de sacro fonte suscipiat filium Petri, quem existimat esse filium Ioannis, probabiliter nullam contrahit cognationem: uti & maritus qui per ignoratiam leuauit filium vxoris, non arceatur à debiti petitione. Sanchez & Villalob. *ibid.* ref. 16.

30 Qui in periculo mortis baptizauit filium suum, vel suscepit, adstantibus tamen multis qui hoc facere poterant, & sic cum suâ vxore cognationem contraxit, potest nihilominus ab eâ petere debitum: quia nullo textu id prohibetur. Suarez & alij 5. *ibid.* ref. 3. & p. 5. tr. 3. ref. 25.

31 Rebaptizantes sub conditione non incurrunt irregularitatem, quia hæc non est rebaptizatio simpliciter. Suar. & alij 10. p. 3. tr. 4. ref. 9.

32 Infans cuius baptismus est dubius, vndecumque oriatur dubium, ita vt fuisset rebaptizandus si superuixisset, sepeliendus est in loco sacro. Homobonus. p. 4. tr. 3. ref. 69.

Beatus.

1 **N**on licet recitare officiũ alicuius beatificati v.g. B. Frãncisci Borgiæ etiam ex deuotione extra diem eius festum; imò nec commemorationem de eodem in Missâ facere, & cõtra facientes peccant mortaliter. Item quando conceditur aliquibus Religiosis facultas Missam de talibus Beatis celebrandi in suis Ecclesiis, nõ possunt illam celebrare alibi v.g. in aliquã parœciã, aut monasterio alterius religionis. Quòd si tamen id solum semel, aut bis fieret, non esset lethale. Granad. p. 4. tr. 4. ref. 231.

2 Quando in beatificatione alicuius, Pontifex concedit Sacerdotibus alicuius Religionis, vt possint de illo Missam celebrare, non licet aliis Sacerdotibus, seu sæcularibus, seu regularibus, de eo Beato in Ecclesiã assignatã Missam celebrare. Quia illud priuilegium conceditur tantũ Sacerdotibus illius Religionis; cum illi soli in Bullã exprimantur.

Turrian.